



**SIUMUT** Inatsisartuutit

Nuuk, 24. oktober 2011

Matumuuna Inatsisartut suleriusaat § 37 imm. 1 naapertorlugu Naalakkersuisunut imatut apeqquteqarpunga:

**Naalakkersuisut qaqugu Tasiilami Qaqiffimmik pilersitsiniarpat?**

(Andersine Hansen-Kristiansen, Siumut)

**Tungavilersuut:**

Nunarput ataatsimut qiviassagutsigu Avannaamiut qaqiffeqarput, Kitaamiut qaqiffeqarput. Taava aamma Tunumiut qaqiffittaartariaqarput.

Pingaaruteqarpoq inuit nunartik qimaqqaarnagu katsorsarneqarsinnaanissaat soorlu oqaatsitik atorlugit aammalu kulturimik immikkuullarinnera aallaavigalugu aaqqissuussiffigineqarnissaat.

Siuliani inatsisartuni Tunumut atasumik Qaqiffeqalernissaanut siunnersuuteqarnermi naalakkersuisut itigartitsinerminnut tungavilersuutigaat Kanukokamik isumaqatiginninniartoqarmat. Maannalu paasisaqanngilagut ulloq manna tikillugu tamassuma inerneranik taamaammat inatsisartut suleriusaat § 37 imm 1 naapertorlugu maanna apeqquteqarpunga.

Kissaatigaara apeqqutima ullut suliffiusut qulit qaangiutsinnagit akineqassasoq.